

**TÁ CIGIRÍ I MBUN
FAIREACHÁIN I DO
CHEANTARSA FAOI
LÁTHAIR. DÉAN CINNTE
GO BHFUIL TÚ AG
COMHLÍONADH NA
RIALACHÁN MAIDIR
LE DRAMHAÍL NÓ
GEARRFAR FÍNEÁIL ORT.**

Tá gach Údarás Áitiúil ag glacadh le Fodhlíthe den chineál céanna d'fhonn cur chuige comhsheasmhach a chinntiú i leith dramhaíl a bhainistiú ar fud na hÉireann.



Tá gach eolas maidir le bainistiú a dhéanamh ar do chuid dramhaíola ar bhealach freagrach agus éifeachtúil agus a oireann duit le fáil ag www.mywaste.ie

Breathnaigh ar an láithreán seo chun teacht ar sheirbhísí dramhaíola, ionaid fág anseo agus saoráidí athchúrsála san áit, chomh maith le bealaí le dramhaíl a chosc, a athúsáid agus a uaschúrsáil.

mywaste

AN bhFUIL TÚ **COMHLÍONTACH**
MAIDIR LE DRAMHAÍL?

**NÍ MÓR DUIT ÚSÁID A BHAINT
AS CEANN DÍOBH SEO**



BAILIÚ COIS COSÁIN

NÓ



SAORÁID DRAMHAÍOLA ÚDARAITHE



Faigh tuilleadh eolais ag www.mywaste.ie

CEISTEANNA COITIANTA

AN mBAINEANN NA FODHLÍTHE SEO LIOM?

Baineann: bainfidh na fodhlíthe seo le gach líon tí, árasán, agus áitreabh tráchtála.

CONAS IS FÉIDIR LIOM CLOÍ LEIS NA FODHLÍTHE SEO?

Chun do chuid dramhaíola a bhainistiú i gceart, ní mór duit a bheith in ann a chruthú go bhfuil:

Conradh i bhfeidhm agat le bailitheoir dramhaíola údaráithe (ceadaítear araid a chomhroinnt ach ní mór cruthúnas ar chomhaontú a chur ar fáil);

NÓ

Is féidir leat a léiriú go mbaineann tú úsáid rialta as saoráid dramhaíola údaráithe.

CÉN FÁTH A BHFUIL GÁ LEIS NA FODHLÍTHE SEO?

- Chun cuidiú leat do chuid dramhaíola a bhainistiú ar an mbealach is lú a dhéanann dochar don chomhshaol;
- Lena chinntiú go dtabharfar do chuid dramhaíola chuig bailitheoir dramhaíola údaráithe a théann ó dhoras go doras nó go dtabharfar í chuig saoráid dramhaíola údaráithe.
- D'fhonn a chinntiú go ndéantar do chuid dramhaíola a scaradh i gceart;
- Chun dumpáil mhídhleathach agus dó ar chúl an tí a laghdú

CAD A THARLÓIDH MÁ SHÁRAÍM NA DLÍTHe?

Má theipeann ort ceann ar bith de na ceanglais atá sna fodhlíthe a chomhlíonadh, d'fhéadfadh an tÚdarás Áitiúil seo nó ball den Gharda Síochána fógra um pionós socraithe a eisiúint (Uasmhéid €75). Chomh maith leis sin d'fhéadfadh fineáil suas le €2,500 a bheith mar thoradh air.

CAD A DHÉANFAIDH MÉ MÁS I MO CHÓNAÍ I mBLOC ÁRASÁN BAINISTITHE ATÁIM?

Baineann na fodhlíthe fós sa chás sin; tá ar an gcuideachta bainistíochta a chinntiú go gcuirtear coimeádáin leordhóthanacha ar fáil le haghaidh dramhaíola iarmharaigh agus dramhaíola in-athchúrsáilte ag pointí stórála dramhaíola ainmnithe. Tá sé d'oibleagáid orthu chomh maith eolas i scríbhinn a chur ar fáil duit maidir leis na socruithe atá i bhfeidhm. Tá sé de fhreagracht ar an áitritheoir ábhar a scaradh laistigh de na hárasáin. Ní mór d'áitritheoirí i ngach árasán a bheith rannpháirteach d'fhonn an córas scartha a chur i bhfeidhm.

AN bhFUIL AON RUD EILE IS GÁ DOM A DHÉANAMH?

Tá: ní mór duit dramhaíl in-athchúrsáilte a scaradh ó do chuid dramhaíola iarmharaigh agus iad a chur i láthair ar leithligh óna chéile. Ní mór duit do chuid dramhaíola bia a scaradh freisin má tá tú ag cur fút i gceantar uirbeach, baile beag nó sráidbhaile ina bhfuil daonra níos mó ná 500 duine.

*féach ar www.mywaste.ie chun saoráid dramhaíola údaráithe a aimsiú i do cheantar